



Doktor Anne Brit Nygård ( 52 år ) har vore fastlege på Husnes sidan 1995.

**Anne Brit Nygård, fastlege på Husnes, kjem på møte i Uskedal Helselag i morgon, tysdag 8. mai kl. 19 i Helgheimskjellaren. Tema er Kvinnehjarta, men emne er like aktuelt for menn. Innhaldet i føredraget hennar vil omhandla ulike symptom på hjartelidingar. Møte er difor aktuelt for alle uansett kjønn.**

Lagsmøte i Uskedal helselag denne gongen er siste dagen i den nasjonale hjarteveka. Målet er å synleggjera eit variert folkehelsearbeid i lokallaga landet rundt. Til vanleg har helselaget sine møte 1. tysdagen i månaden, men ettersom det kolliderte med 1. mai og opninga av Gull av Grus, vert møte tysdag 8. mai, men då i Helgheimskjellaren.

Uskedal Helselag er eit aktivt lokallag i Nasjonalforeningen for folkehelsen . Helselaget er ein frivillig organisasjon for å bekjempe hjarte- og karsjukdomar og demens. Tema på møte i morgon burde vera interessant for mange. Det er allment kjend at symptom på hjarte-problema varierer frå om du er kvinne eller mann. Kvinner har ofte meir uklare symptom og det krevst ei meir nøyaktig utgreiing for å få dei rette svara.

***Kom på møte i morgon, tysdag 8. mai kl. 19. Det vert høve til å stilla spørsmål.***

Tekst/nett: Kristian Bringedal

Foto: Med løyve frå Anne Brit Nygård